



P. B. Vidalin
in Natal
Erid. Vol.



X
525



Fol

811

P₂1

Stargrimm's à

AVSPICATISSIMO NATALI
SERENISSIMI POTENTISSIMIQUE
REGIS AC DOMINI
FRIDERICI QVINTI
DANIAE NORVEGIAE VANDALORVM GOTHORVMQVE REGIS
DVCIS SLESVICI HOLSATIAE STORMARIAE DITMARSIAE
COMITIS OLDENBVRGI ET DELMENHORSTI
PATRIAE PATRIS PII FELICIS AVGVSTI
DOMINI SVI LONGE CLEMENTISSIMI

HAEC PAVCA

TESTANDAE SVMMAE DEVOTIONIS ERGO

SVBIECTISSIME SCRIPSIT

PAVLVS BERNARDI F. VIDALINVS

ISLANDVS

LIPSI AE

EX OFFICINA BREITKOPFIA

MDCCLIII

*Tabulae, qua tanquam felicitis pi&urae linearis quibusdam frons
carminis ornatur, haec est sententia.*

Regis potentissimi pii felicitis Imago in sinu a Minerua Iouis filia habetur. Comi-
tes ei desuper adsunt Erato ac Thalia Musae. Infra velut prouincia Thule seruans gre-
gem suum mulier, dum spectat florentem patriam, natos suos docet precibus ad cae-
lum regendis beneficium summi numinis Regem optimum venerari.



Si fas mortalem Regi dare thura deorum;

Maximus a minimo si patiturque coli:

Haec tibi nec spernas, o summo proxime divum,

Thura dari a seruo qualiacunque, precor:

Sed quae sola mihi praebet tua regia virtus,

Et iubet ut pietas proferat arte carens.

Ille ego, quem Thule genuit, Philuris tenet alma,

Qui patriae ac Musis viuere posse velim,

Visa mihi referam. Coeptis condonet, et altum

Ne dedignetur NVMEN adeste TVVM!

Lucida iam noctis tenebras Aurora parabat

Pellere, quam mensis Martius vltimam habet,

Quum somnus blande mihi mulcens lumina fessa

Mente frui interea liberiore dedit.

Haec me subiectam signis Erymanthidos vrsae

Transtulit in terram nunc memoranda quies.

Vallis erat celsis circumdata montibus: amnis

Per mediam liquidas in mare voluit aquas:

Perculeratque niues, radiisque fugarat Apollo,

Quo posset virides exferere herba comas.

Hic matrem teneris cum natis pascere vidi

Paruum, diuitiae pauperis ille, gregem.

Agnoui vultus patriae. Mox ora resoluit,

Et caelum folito laetius adspiciens:

Salue lux, inquit, quae nobis sola salutem

Fers, alias quantam saecula nulla ferent!

Quippe mihi DOMINVM, cui debeo cuncta, dedisti;

Quem, quamuis miseris, non pudet esse patrem;

Cuius et, ut viuam et valeam, indulgentia fecit,

Neue forent vllis haec mea, praeda lupis.

Nec fatis hoc ILLI. Cumulauit nos quoque donis,

Ut leni imperio nemo subesset inops.

Iste prius sterilis campus, perstrictus aratro

Iam nostrum Cereris munere corpus alit:

Atque peregrino patriis nunc pannus in oris

Confectus melius corpora nostra tegit:

Piscandique habiles, portandis mercibus aptae

Velificant binae per freta nostra rates:

Quodque ego debueram, reparata est, dicere primum,

Fama mihi, liuor quam temeravit edax.

At, quaecunque recens aduexit commoda tempus,

Deficeret, vellem si numerare, dies.

Illa TVO sunt facta, PARENS O MAXIME, nutu:

Et TVA porrexit singula larga manus.

Ergo TVA haud metuens glaciem clementia vasti

Oceani, rigidum iam fouet alma polum?

Sic TVA MAIESTAS, cum bello vincere posset,

Tantum alios populi vincit amore fui.

Sed quid ago? magni FRIDERICI laudibus impar.

Doctior has cantet nobiliorque chorus!

Nec minus audacis foret, haec sublimia facta

Infirma lingua sustinuisse loqui,

Quam laudasse quidem: nisi me memorem esse iuuaret,

Cum nunquam reddi gratia digna queat.

Quae valeo soluo tamen ardentissima vota

Pro DOMINO, quo non mitior ullus erat.

Conseruare velit CAPVT HOC, quo sospite felix

Arctos erit semper, nam dedit ipse, Deus;

Et precor, vt fero mortalibus eximat ILLVM,

Quem viuum Superis annumerare potest:

HVIC et AVO HEROI similes regnare Nepotes

Immensa ferie perpetuo iubeat!

Desierat. Cuncti repetebant vltima nati

Gaudentes palmas tollere ad astra pias.

Ipse eadem dixi per somnum dulcia verba:

Nec sopor orantes impedit ille manus.

Quo simul excusso natalem, AVGVSTE, videbam

Illuxisse diem, gaudia nostra, TVVM.

Et vigilans iterum fundo fundamque perennes

Illas, dum reges haec spiritus ora, preces.

Annuat aeternum Numen: rogat orbis, et huius

Pars Thule meritis vltima plena TVIS.

Ast ausis, PATRIAE PATER, his ignosce ferenus,

Optime: quos fructus gratia tanta tulit.

Sic viuas felix, arctoïs gloria terris:

MAIESTASQUE diu fit TVA nostra salus!



1844
H. May. 3

(*) in e. h.

